

惜分溪軒簪案

中華民國七年冬月鐫版定價每冊



惜分陰軒醫案卷一

杭州三三醫社發行

版藏三
三醫社

讀醫藥學報於中國岐黃家言兼綜條
貫所刊叢書亦多醫林祕籍自頃中醫
日趨歐化東漸物競爭存駸駸有喧奪
之勢作者軒中輕西期以保存國粹意
甚盛也然欲攻人之短必先知人之長
欲伸己之長亦必知己之短吾國醫學

軒岐而後仲聖實集大成。然傷寒金匱
兩書。章次凌亂。已非原書。泥古之失。豪
釐千里。宋元學者。門戶分歧。溫補清涼。
有如聚訟。承學之士。靡所適從。且六淫
之氣。與時變遷。今病古方。不無鑿枘。古
之名醫。多自採藥。後漢韓康賣藥長安。

市中所謂賣藥者卽爲人治病。前清乾隆中葉。吳門葉天士薛生白猶自市藥。今世藥品取諸一閩之市。審別不確。炮製失宜。方是藥非。誤人尤甚。凡此數端。皆中醫所短。不能自諱。其本無學術。託此罔利者。又無論矣。西醫以解剖爲實。

驗臟腑部位已較中國古書爲確。分化藥品精益求精。不似吾國藥肆之草草。從前以中西體質不同。猶多扞格。近日體驗益真。成效大著。且多以中國藥品別爲炮製。知西方學者於吾國本草諸書已極研究。吾國學者倘未能深窺彼

之堂奧而徒欲抑人伸己恐西醫竊笑
其後也。今欲保存舊學。唯有舉吾國歷
驗不爽之舊說。參以新理。融會貫通。其
卮言駢枝。概從摒棄。庶與西醫驟靳并
行。不致爲天演所淘汰。若遽欲拔趙幟。
立漢幟。竊恐無是事也。作者宜勉之。

河間馮國璋序

醫藥叢書第一集序

以藝術重當世。著方書兮流傳。上自三代君相。下至草野布衣。代有其人。相沿不絕者。儒家之外。醫林爲巨擘焉。國家多故。干戈迭乘。世變滄桑。難免湮沒。或則錯簡脫落。或則附會贅疣。名重之書價昂。而寒素者未易力辦。布衣之著名微。而徵集者尤多踈忽。故書雖汗牛充棟。而欲其集大成也難矣。曩者越邵吉生裘君。與諸同志。創辦醫藥學報于紹興。公餘之暇。每嘆中國醫藥學之荒蕪。大都由于醫藥學書之散失。而孤本秘著之鮮見者。尤難徵集于一時。因下詢全國醫藥界。籌妥善辦法。爲維持久計。苦心孤詣。可謂至矣。乃論者紛紛。終難著手。謬因提倡公司之說。爲實力實行之基礎。裘君不以落落爲妄。竟首先發起。爲衆所難。半載以茲。效果昭然。雖投股者因循觀望。而醫藥叢書第一集已誕生于世界矣。自後熱心志士。紛紛投股。踴躍爭先。而叢書之出。亦由一集而二三集。十集百集。以至千萬集。凡屬醫藥之書。莫不匯集。且定價低廉。便于拆

購。無價昂之虞。免難求之憾。有力者購全之。可爲醫中博士。無力者擇購數種。亦可爲應世良醫。一舉而數善備。詎非大快事乎。此謔之所以敢爲世告而樂爲序端其首云。豈

民國五年歲次丙辰葭月常熟汝偉氏張謔識于壽石居

大將由十國果軍費之數次論議本國醫藥之制以善其備俾藥
至先具其志願能醫藥學醫士學典公論之即再舉中國醫藥學之預
進而所製者其不越焉此其難者乎法府前海身人如出遊藥局者
不取之謂其之不備其於自學也固不若其於人考其山川之異其
以道而進其山川之異其於自學也固不若其於人考其山川之異其
其學也固不若其於人考其山川之異其於自學也固不若其於人

醫藥叢書第一集凡例

一是書專刻先輩遺稿近賢新著並已行亡版之孤本期於流通不致湮沒四方同志有以藏書見惠酬答從簡

一近時書籍多用石印鉛印及洋紙形式既不樸質藏晒尤難經久故本書不惜工本純用木刻中紙古式精裝爲完全藏書格式且爲完全國貨

一是集所採各書共計六種皆爲極有價值之書閱者自能賞鑑

一叢書體例常見數種小冊合訂一本是書概以按種分訂俾無力全購者得以指購單種

一本集有未及刊完之書必於下集續刊決不間斷致使閱者盼望

一是書無論統購全集或指購單種除預約半價外照定價均無折扣但書業振社代售者另議

一凡各處圖書館閱報社報館學校本會會員本社社友如同時并購全集二

部者當加贈一部

一凡同時并購上百部者不拘全集單種准可附印只收工料但不得另行翻刻

一購書者將書價及郵費一併用郵匯最爲妥便不通郵匯之處以郵票代銀亦可但須固封函內掛號直寄紹興城中醫藥學報社收當班奉書不悞

一下集所採書書目莫氏研經言羅氏治驗案吳氏醫案惜分陰軒醫案皆續刻外爲市隱廬醫學襍著李冠仙知醫必辨幅頁加增定價照前並仍准預約五十部郵費一角六分書價對折作八角限滿截止

醫藥叢書第一集總目

第一種 莫枚上研經言卷


第二種 周氏易簡方集驗方合刻全

第三種 羅謙甫治驗案卷上

第四種 吳氏醫案卷

第五種 惜分陰軒醫案卷一

第六種 重刻人參考全



惜分陰軒醫案序

種族之強弱。關於醫學之優劣。野蠻部落。藉神權以療治。卽有疑方藥亦簡單。戶口日漸縮減。故泰西各國。行推崇干涉二義。醫術月異而歲不同。吾國醫學。較泰西發明最早。醫籍汗牛充棟。不無瑕瑜互見。迨漢倉公著診籍。本以所學。驗之所治。詳而載之。不涉虛構。爲醫案之鼻祖。雖後之繼起者。代有發明。大都述畧爲多。周君小農。別字伯華。幼而聰慧多疾。王父達三公。尊甫莘農君。疊命學醫。及長。親炙於張聿青先生之門。深探此中秘奧。繼而應滬上慈善之役。警署之職。十餘年。實驗旣多。除署方存根。未及錄副外。將其筆記所騰。確有見地。及此引旁通者。彙而成帙。余經在醫報讀其著述。他山攻錯。極生景仰之心。甲寅來游梁溪。今夏得親丰儀。謙光道貌。晉接神怡。眞醫界中錚錚君子也。夫醫術之不進步。亦人自畫之耳。誠能同懷此志。於臨證之際。將病情之轉變。藥味之質性。悉心研究。凡治療而獲效者。彙登詳載。積月累年。合衆流以成巨觀。補

前人之不逮。爲後學之津梁。功不在盧扁下也。今周君所記業已付刊。有目共賞。毋俟余之贅述。丁此醫學爭競潮流。彼崇慕西術者。不得謂秦無人焉。民國五年歲次丙辰孟夏月無錫縣司法辦公處新安古黟王壽芝謹題

惜分陰軒醫案自序

事由神解。不涉言詮。唐許胤宗氏之揭蘖也。然宗此旨爲禁方言之則可。若夫救應得失。非錄驗無以徵信。治案權輿於左氏。及史記倉公傳。自謂所診皆有診籍。卽後世醫案之所由昉也。鎮幼而愚魯。在塾僅七稔。學識淺陋。所解殊俚。庚寅冬。患喉。繼以足疾。年餘不能步履。先王父始命學醫。家君素好方術。自課多時。負篋訪道。會乙未。張聿青師至滬。祝丈蘭舫榮君瑞馨爲之紹介。得親受業。侍診重險者不少。亦就心領而神會矣。畢業後爲人圖治。及應慈善之役。博施濟衆。做精勞神者十餘春秋。承乏上海警署醫治者。三閱寒暑。當是時。數十分局二千餘衆。臨診鮮暇。猶以署方存根。未遑錄副。解除職務。後回里未幾。積勞時發。倦於遠遊。還溯念載治案。百不獲一。僅撫錄日記者。簡直不交。隨筆呈露。或冗蔓而鮮要。或平常而無奇。鄙倍空疏。在所不免。簷簷小言。爲大家所不屑道。更何足與文章鉅公潤色。鴻業並論。然以膚末之見。不無一得之愚。因本

東萊氏傳愈衆病愈白之旨。聊作反約之意。以就正於有道。共相質證云爾。
民國五年丙辰首夏無錫伯華氏周鎮小農識於惜分陰軒

東萊氏傳愈衆病愈白之旨。聊作反約之意。以就正於有道。共相質證云爾。
民國五年丙辰首夏無錫伯華氏周鎮小農識於惜分陰軒

惜分陰軒醫案卷一

無錫 伯華氏周小農述

紹興 裘慶元吉生校刊

梁慕華粵籍己亥在魯麟洋行其母五旬餘六月曾經吐血止後十月十六復發十八經別醫用降氣止血不效十九延診脈細弦舌淡白足厥冷少寐素有微咳氣逆吐血勢甚每次一盅總計盈盆矣問其驗過否曰未取出示之沈著濃厚殷紅而帶紫塊放之冷水沈底不散曰此係肝經之血詢其有氣忿否曰有因曰症勢甚重血不養肝有動風痿厥之慮疏丹皮炭側柏炭醋炒當歸炭參三七茜草炭元精石秋石乳汁磨沈香藕節童便等一劑血止然足厥不暄氣火未降猶防再吐廿一用大劑潛養如牛膝炭杞子炭鹽水煨牡蠣生白芍醋炒當歸炭丹皮炭黛蛤散旱蓮草女貞子旋覆花瓊玉膏服後自因夏間血症服仙鶴草有驗復置猪肉中煮服腕悶不舒氣升復吐蓋訖又起頭痛少

寐足厥不暖。遂於十九方中。去側柏。藕節。童便。加龜甲。龍齒。百草霜。生白芍。加
十灰丸。三錢。開水先服。廿三復診。血止。頭痛定。安寐足暖。惟心中懊懣。山根際
又痛。夜間轟熱。醒後肌涼。汗冷。頸項尤多。探之不黏。脈象轉靜。籌思其故。乃陰
虛而生內熱也。陽氣本虛。故汗不暖。虛陽未潛。山根猶痛。用煅牡蠣。龍齒。骨龜
版。川貝母。滁菊。蒺藜。白歸身。杭白芍。阿膠。茯神。棗仁。辰砂。拌百合。心淮小麥。服
後熱淡汗止。惟夜寐不酣。齟齬又作脹。虛陽尙未盡斂。用西洋參。大麥冬。玉竹。淮
麥。白芍。白石英。川續斷。鈎藤。勾。滁菊。牡蠣。阿膠。夏草。冬蟲。瓊玉膏。等。頭暈。眼脹
均退。遂可離牀行動。靜養調理而瘳。

張祥豐滬南住宅乙巳其小主某君素體甚弱。伏暑留戀。山七月寒熱起。邀李
君澹平診治。服藥數旬。寒熱輕而不退。嗣至十一月初來延余診。脈數。右濡而
虛。舌紅苔薄。天寒覆被臥而不起。其姑二人長齋茹素。說起邇日胸前已發白
瘡。予擬察看。初皆以天寒辭。後設法展被角。點燭細視。瘡皆枯燥。如石。灰。毫無

晶光舉家詢問順逆。以忌款已見。囑另謀高人。疏方霍山石斛沙參天冬生甘草蘆根青蒿荷花露野薔薇露滋氣液而透蘊邪。張復延李君。投人參白虎湯。不應而危。按虛人伏邪宣泄不效。早佐甘潤。邪或早日託出。如宣泄燥溼氣液一傷。必成敗症。

昇昌虹口整容某姓。戊戌四月患溫病。寒熱有汗不解。傷寒科用鼓芩前桔等。四方未應。熱甚神昏。譫語起卧牀下。脈數糊滑。苔白膩。犀黃昏朱。用連翹知母。菖蒲鬱金。竹茹黑梔。淡芩老竹黃。益元散。冬瓜子。白方通。蘆根鮮竹葉。等熱勢不挫。苔轉灰黑。艱辦如漿。咳唾粉紅。依然昏語。用清宮湯。葶莖湯。知母。枯黃芩。花粉。竹茹。竹黃。等一劑。神清。面紅亦斂。目赤亦退。舌上本自覺有物。至此灰黑退而潤。然汗疹並透。痰白如絲。甚靱帶血絲。視燈猶炬。肺胃之火尤熾。用瀉白散。葶莖湯。加鮮生地。麥冬。青蛤。玉泉散。竹葉。枇杷葉等。出入加減。數劑。熱退痰稀而愈。

陳姓滬北冊家園戊申秋伏暑身熱延邑專科治之謂爲夾陰以其新婚逆料肉欲必不節耳服藥不應繼延予診秋暑正醅窗櫺密關人眠棉褥之上人多氣蒸悶甚不可耐因曰卽此厚褥肩膊已足增病無疾之人尙不可耐遑問其他卽督令微啟旁窗并易關牖其家中先人之說以夾陰爲慮迺嘗之曰脈數苔黃熱起面赤口渴暑熱見證已確且探足不冷詢陽未縮非夾陰也乃疏青蒿鬱金連翹荷葉銀花黑梔竹茹滑石淡芩蘆根白殘花薏苡仁等起伏漸輕復診卽安按經云治諸熱病以飲之寒水乃刺之必寒衣之居此寒處身寒而止云云飲冷等固不可拘穢熱之衣宜換悶熱之處勿宜當時領會否則必致輕者重重者危矣

嚴君丙午八月廿八由滬南乘車在金利源碼頭車側跌傷左環跳骨遍足俱痛迨復乘別車回邀石曉山看治幸未脫骹卽用手術活絡其筋重扶立以驗骨縫合否商擬歸尾牛膝寄生杜仲細生地乳沒地鱉蟲赤芍狗脊川芎桑枝

絲瓜絡桃仁服藥傷處痛未減足_心痛外用蕪菜葱炒熨痛處廿九餐前服
峒丸半粒少時用晚膳畢覺凜寒惡心汗冷嘔痰兩大碗內有粉紅兼紫黑之
血瘀少許並無粒米及藥末嘔止汗定噫有如此痰涎而未跌中抑亦天幸當
日原方加琥珀末另沖晦日於廿八方中加黑大豆落得打酌定菜餚筍衣腐
衣青魚火腿胡桃初四石來傷處骨縫未聯伸縮要透如不動彈下去要麻木
當定雲苓杞子杜仲歸身山藥牛膝川斷瑛藜秦艽寄生舒筋草桑枝大生地
首烏狗脊出入爲方並用再造丸半粒酒服爲引嗣後腿足痠定輒痿無力加
入參芪阿膠大劑膏滋並食鹿筋將養三月行動如常以停頓數旬之恙傷藥
服之則不寐更甚且曾引用附子亦因不宜剔去中間足痿無力實照痿症擬
藥嗣逢節令傷處作痛傷膏未應懸擬四味入膏貼之而愈卽楓香脂虎骨乳
香沒藥註 嚴君時年五十六歲調補既久後無足弱之患

黃宜亭虹口己酉秋先食冷物而回形寒肢冷服西藥而寒戰氣升日赤脘痛

轉延中醫與柴胡之劑。或用溫中之藥。增自汗便秘足厥而冷。來延初診脈滯不甚數。苔黃舌縮。詢係咽痛之故。以豆卷青蒿滑石財干銀花通草菖蒲鬱金。噉嚙子荷花梗金鈴子金沸草玉樞丹等。稍覺氣平。形寒略解。皖痛仍作。覆診去玉樞丹加更衣丸三錢先服。外用萊菔子香附薄荷橘皮麩皮生薑食鹽同炒布包。隔衣熨院間。據云院中似有筋上撐則氣逆。服藥用外熨法。得便黑糞。寒退足暖。安寐神卓。惟氣逆未平。咽痛猶甚。是積去氣通。而暑溼挾痰留戀。用連翹山梔知母竹茹竹葉旋覆淡芩紫苑兜鈴木通蘆根瓜萸竹瀝。另菖蒲月石鬱金研末先服。嘔出痰涎甚多。咽痛頓愈。惟脈轉數苔轉黃。口渴氣升更劇。用鮮石斛鮮竹茹連翹知母滑石黃芩花粉西瓜翠衣荷梗茅根黑梔萊菔豆衣荷花露銀花露代茶。渴喜冷飲。逾於常度。當時審諦毫無別證。純由暑熱燔灼。逕用白虎加參葉花粉滑石連翹竹葉蘆根。氣逆口渴陡定。不數日脈靖身涼。此氣積痰溼。遏伏暑熱之症。證情夾雜。用藥層次頗多。其能照西法一病卽

罨冰取愈否。明眼人自能辨之。

王廷椿之室。己亥五月中。身熱無汗。自服艾葉湯。後延予診。脈數苔厚而乾。口渴。洩紅而澀。余用三仁湯。去川朴。加豆卷。黑梔。鬱金。蘆根等。熱勢起伏。胸悶殊甚。旋發疹瘡。略佐甘涼生津。卽覺口膩惡心。改用瀉心湯加減。口渴不欲熱飲。反喜水菓。一若病機偏於熱重者。然譫語雖劇。苔措膩白。單黃稔知中有痰飲。轉用溫膽湯。加竹黃。竹瀝。鬱金。菖蒲。雪羹等。嘔出痰涎。益詐熱退神清。不思冷物矣。此暑溼挾痰之證。其中渴飲喜涼之際。最難支持者。病人苦求其弟龔某。欲覓西瓜解渴。雖死不怨也。設泥西法。熱則握冰。胸前罨冰。能無債事否。溫病挾痰挾水。挾氣挾食均多。見識不清。則難已病。不可不審。

觀滄子甲辰生時。面紅多啼音啞。屈兩旬卽有天痘。及花痂退下。口患雪口。冰硼散搽之。舌上有一塊不退。數日舌中漸高。女醫章王氏謂心火旺。用犀黃丸服之。亦不退。查金鑑有舌菌。而藥味霸烈。不合嬰體。卽合珠黃化毒丹搽服。稍

舌菌

平而微闊。嗣得囊秘喉書。舌菌有方。卽用犀角玳瑁。血珀辰砂。川貝乳香。燈心炭。銀花。茯神。棗仁。萊菔。雄精。鬱金。研服。外用茜草。川連。花粉。白芷。冰片。未。搽。舌菌。調治旬餘而平。

陳永芳之室。虹口。戊戌。夏。身熱。有汗。面油。胸悶。異常。口渴。欲得冷物。溲紅。而短。脈糊。數。舌苔。指膩。色白。一醫。泥其渴飲。以爲溫熱。用鮮石斛。六錢。鮮地。石膏。稱是。服之。惡心。吐出。轉延。余診。決其中有溼濁。停阻。初進杏仁。苡仁。滑石。通草。薏仁。竹茹。知母。半夏。蘆根。玉樞丹。服之。胸悶頓減。熱勢起伏。有時厥冷。轉用香豉。山梔。通草。杏仁。滑石。連翹。薏米。半夏。川朴。野薺。薔薇花。蘇葉。竹茹。及鬱金。菖蒲。末。肢轉暖。胸前發疹。痞胸。悶大退。向之渴喜冷飲者。轉喜熱飲。稍溫卽拒。且湧吐冷涎。喜卧向日暖處。前卧向陰僻處。口說妄言。移榻時。坐起卽厥。目定。口噤。肢冷。診時。齒震。言塞。不溝。進半夏。橘紅。赤芍。神白。殭蠶。遠志。菖蒲。鬱金。淡薑。渣。薏仁。薏仁。膽星等。痙定。冷涎略少。腹悶連得矢氣。進礞石滾痰丸。得便。病

此案可法

減大半。續與化痰理溼。熱退而安。此溼溫痰溼重者。

賈姓孩。滬北戊申春季。腹滿如鼓。起於瀉後。不便而有寒熱。診脈濡遲。舌白。按腹塊壘不平。決爲瀉因寒止。積阻不通。疏方神麴。查炭。茯苓。陳皮。連翹。萊菔子。使君。黑梔。枳實。大腹皮。豆卷。外用山梔仁。皮。硝。萊菔子。研同。蛋白。酒糟。麴粉。敷臍。外用布紮。投劑後。熱退。得汗。得便。而腹脹陡退。

史某。滬南丙午秋。面浮足腫。腹滿有形。更加喘咳痰多。屢治不應。轉求予診。脈濡帶澀。苔白。是氣窒絡瘀。溼痺不宣。擬方葶藶。萊菔子。蘇子。冬瓜子。皮。旋覆半。夏。豬石。橘皮。絡新。絳。瓦楞子。連皮。苓。大腹皮。慈鬚。陡吐狂血。如紫黑塊甚多。喘先停。繼診通絡宣痺。腫亦退。腹寬。面浮亦平。腫脹因血阻窒有如此。故治脹病不仁。宜理氣也。此症驟愈於數日之內。卽病者亦意所不料。

戴右滬北戊申春仲。咳嗽氣逆。壽醫初投清肅。咳稍解。因其帶多腰痠。用杜仲。午。膝。杞。芍之類。旋加參朮。是婦多氣腹脹。故服之。胃日鈍。加以新感寒熱。熱解。

胃鈍腕脹。就診於予。并述不時鼻衄。乾燥。痰靛如生。有木火刑金之象。氣滯多噎。而胃土亦病。宜治其肝。疏方香附金鈴八月札糯稻根黑梔旱蓮花粉石斛萊菔纓青蛤散白芍甜杏仁蘆根枇杷葉等。氣通噎爽。覆開木蝴蝶蘇嚙橘白葉青蛤散。紫豆衣地骨丹皮茅花扁金斛蘆根枇杷葉等。而諸恙均減。納食勝前。續定滋水清肝之法而安。肝咳與外感嗽。治法迥異。張伯龍雪雅堂醫案頗備。此宗其意。以見一斑。

張姓滬南新泰陶業。向在順全隆洋行。肝木素旺。丙午冬。以冬令滋補。即服發行之高古粉及艾羅治肺藥水。漸覺胃中灼熱。藥仍不停。且喜西酒炙燻。習爲常事。丁未正月廿五天。暄。仍披重裘。飲酒食鍋麪。并入暈堂洗浴。遂吐血盈口。而來。自服三七藕節等不止。談二屬使延診。脈洪數右盛。苔黃。火升氣逆。癆咳咽痛。面赤胸悶。是胃蘊熱毒。復感溫邪。疏方連翹黃芩生地犀角黑梔石斛茜草鬱金竹茹花粉旋覆代赭蘆根十灰丸。服後氣平。血大減。火猶上升。耳聞

然面赤足冷。尚防湧溢。復診用黃芩石斛青蛤百合丹皮黑梔蒲黃元精石阜
蓮元參枇杷葉蘆根十灰丸。痰血亦止。熱從下洩。便灼溲赤。額赤雖退。鼻灼睛
白時紅。咽癢頻咳。右關尺仍洪而數。三診用石斛黃芩象川貝冬瓜子竹茹沙
參知母玉泉散。女貞旱蓮枇杷葉。各症循減。余遷居至北市。渠延同業江君。因
其便泄。不知府熱未清。漫道清藥之累。逕用理中四神泡薑吳萸。雜以溫澀。如
是者約半年。洩終不止。至戊申正月。火升灼熱。舌絳光剝。喉赤如焚。大熱連宵
而卒。深可惜也。

吳善卿公和來。每春患吐血。乙巳冬。在咸康。先兩日陽升頭疼。喜喫辣醬。冬至
隔夜先咳。後全紅約盡。訕神情疲頓。試血下水浮。可見熱傷肺胃之絡。用鮮地
竹茹青蛤散。知母茜草三七當歸炭蘆根藕節十灰丸。冬至日寅卯之交。復覺
氣逆胸悶。漉漉純紅。余思辛辣傷胃。善怒肝旺。用甘露飲去熟地。加丹皮炭元
精石白茅根童便。服後血止。痰中夾者亦淡。與南沙參黃芩石斛知母百合心

當歸炭丹皮炭茅蘆根清熱養陰口旁發熱瘡便帶黑色蘊熱外洩矣此症氣逆是肝火且適冬至陽升也

林姓兒庚子產時適值臘月約一點許胞衣不下收生者屢用手術不應勢甚危急余診此念本有效方然開方購藥水煎鄉邨更緩不濟急憶及肘后有方用蓖麻子十四粒去殼研塗足心之法卽購搗如法用之立時便下不勞佛手失笑散方惟胞下速宜拭去藥物否則腸下一方本藥研塗頂心可攝腸令上則未試

周元輔茂昌成己酉年巳花甲不能絕欲向有寒咳腰部作痛每服填補十一月因火警夜飲感冒多服薑湯陽升微寒熱退後不便胃呆且更不寐脈弦洪舌紅苔白初用半夏秫米及溫膽加減更衣丸等服後得便不暢仍然少寐述及素有此症是降濁取效若然前方應更效詢便仍未暢診脈弦洪有加決其驚則氣亂肝陽心火交亢開眞玳瑁眞珠母白芍辰茯神煨龍齒竹茹預知子

蛤殼淮麥金器及琥珀多寐丸服二劑大爲安寐右足又疼更子牡蠣蛤殼貝齒狗脊牛膝川斷草解千年健橘絡澤瀉并令貼寶珍膏痛定爲定丸方逢寒則咳伏寒襲肺腰脊痛爽腎氣不足脈弦少冲和苔中微剝痰濁有餘於上肝腎不足於下通盤細講宜爲兼顧糜茸首烏莢肉歸身沙苑人參於朮茯苓橘紅玉竹杜仲狗脊兔絲故紙五味紫石英紫苑百部蛤粉澤瀉用阿膠覆天膠溶化爲丸空腹服之頗宜

陳席珍位中堂董素體液虧無苔花甲之年倒帳折閱鬱氣不舒肝失調暢丙午夏溫病身熱有汗不解舌紅而絳余一診卽疏清散且顧胃津如連翹黑梔竹茹花粉鬱金桔梗知母石斛竹葉蘆根之屬溫邪鬱火交蒸病勢不衰陳素信此方云係花甲之外元陽大虧若再投涼劑必致生機驟絕此示附子理中湯首味高麗參泡薑附子均重用幸陳未服至三候遍發黑紫斑始顯溫熱明證熱戀陰傷舌至絳紫而乾幸任君依德後任上海警署總務長同意大

劑化班清氣營。繼以甘涼。頻投至四候。熱退淨而愈。信此方者。從此打消。然亦險矣。故治病最處存人中傷。若假神妄誣。更爲陰刻也。

袁培榮。甬人。咸康顏業。丙午春來診。腕悶鼻塞便約。脈弦數。苔白。詢知煩惱。則易動肝。亦多思慮。以四七氣湯加鬱金川貝母蛤殼石菖蒲麻仁冬葵子等。各症均減。余勸其勿煩惱。以防動肝。勿思慮。以礙脾運。爲定丸方。服於飯後。如麥朮茯苓益智橘皮扁豆茯苓藜川貝香附梅萼合歡。預知砂仁石斛胡麻柏子菖蒲。研玫瑰花打漿丸。是暢脾疏肝之品也。

任品衡。木業。其室患崩者屢。經或一月兩汛。丙午秋以車上跌傷足踝。遂至杖而後行。診脈虛弦苔薄白。自以骺脫足廢。惟欲調經耳。余謂絡虛亦常。慰而無力。擬膏方子之。卽服一料。棄杖而步。毫無足疾之象。其膏方如下。黨參歸善於朮茯苓山藥藕豆花玉竹首烏龍骨柏子赤石脂牛角鯁黃絲棉烏劍骨淮小麥綠萼梅合歡皮杜仲川斷川牛膝木瓜歸身白芍狗脊寄生絡石藤香附等。

用阿膠龜版膠霞天膠三種收膠。

胡養泉木業嗜煙好色。辛丑春仲始因身熱得汗熱減不寐。延診脈弦數舌光乾焦。述知苔光前曾以霍斛治愈。此次因納妄逃走氣悶不寐盜汗口苦而臭。先清鬱氣蘊熱。如化肝煎葶莖湯之意。口苦臭滅轉用霍斛西洋參麥冬玳瑁決明蛤粉丹皮炒棗仁柏子塊辰砂夜交藤秫米另珠粉川貝末略寐舌潤然心怯頻仍動則氣逆轟熱後審其病因動肝肝火升騰用桑葉丹皮羚羊麥冬黑梔川貝竹茹柏子金器等轟熱大退寐得大酣且心怯亦定嗣後胃氣又作用化肝煎金鈴子木樨子木蝴蝶磨香附鬱金卽效詳察此案不寐治心不應治肝卽驗可戒服西藥籠統以治。

嚴君己酉五十九歲十月望背寒腹痛便痢後重腹中疔痛初下股紅挾積翌日少腹痛覺轟熱純係鮮血口渴少寐小溲赤痛脈左弦右大無倫是心營素虧伏熱內襲血痢重症用銀花炭白頭翁黃柏炭白芍查炭益元散焦秫米扁

豆花茉莉花側柏炭槐花香連丸蘿蔔汁送下。十八猶有轟熱。迫注小溲。色紅。血痢日夜百餘。連宵失眠。脈弦右大。又疏涼血清伏熱。槐花鮮生地白頭翁。銀花秦皮丹皮。赤芍金鈴黑梔側柏扁豆花百草霜阿膠梅連丸。服後痢之紅色較淡。肛口之熱較輕。然痢下如漏。肛脫不收。陽不藏而欲升。指振自汗。溲赤少寐。伏熱未清。陰虛陽升。氣不收斂。十九方。西洋參茯神白頭翁秦皮金鈴赤白芍扁豆花銀花槐花真石蓮荷蒂阿膠梅連丸。服後血痢雖減。而血少風翔。腹中有聲。顛紅火升。沈迷不欲言。卽守原方。廿一日。指搐神煩已定。足亦溫。寐少安。尻痠氣滯。口氣尙穢。與周仲萼商。進養胃陰清伏熱。西洋參白芍當歸川石斛萊菔子檳榔銀花扁豆花地榆槐花。廿二。加茯神棗仁。至廿四日。上午氣升。顛紅面赤。又作。肛熱作痛。按腹灼熱。仍用十九方意。直至廿八日。一夜十餘次。紅少便糞多。有虛坐努責。肛脫寐遺。進攝脾固腎。白芍歸身炭兔絲餅。川斷石蓮炒鬆麥冬山萸肉杞子扁豆花煨木香荷蒂。并食豬肚湯薺菜。廿九下。

午痢止。轉瀉黃沫未化菜食。似爲中寒食不消之象。是養血扶正。虛陽漸斂。脈轉沈細。氣虛見徵。轉與薛君文元酌用黨參於朮益智扁豆木香炙草新會皮玫瑰花杞子白芍萬根赤石脂等。脈漸振。便溏僅二次。最後潘君德孚擬運脾和肝小劑。白芍香櫟皮茯苓大腹皮焦穀芽佛手花之類。胃旺便堅。日就康復矣。此證以望六高年。血痢百餘次。陽升肢振神糊。可爲險阨。幸伏熱清。轉瀉之機耳。

祝君蘭舫戊戌夏爲錢業謠傳大有出入。以是心懷悶鬱。數夜不寐。憊甚時適侍診。按脈弦急左甚。苔薄白。詢知確因氣而陽升不寧。頭覺脹痛。疏方辰麥冬雲茯神塊辰砂百合心大生地夜交藤珍珠母左牡蠣杭白芍炒棗仁天麻磁石秫米等。而以金器一件蓮子青心三十先煎爲引。服後熟寐十時許。形神大卓。頗蒙稱驗。

華伯範東亭己亥診其室。寒熱如瘧。午後則發。暮汗氣穢。至今二月已經半年。

脈滑舌膩厚措。是先前未藥。伏邪留戀。爲開祛邪搜絡。青蒿柴胡桂枝石膏半
夏陳皮茯苓苡仁知母竹茹另霜桑葉一錢半元米湯炒研末。卧前服。又開蠶
甲煎丸九粒。清晨空心服。三劑寒熱輕減。汗少。轉方去蠶甲煎丸原方。增入半
貝丸三錢。寒熱循止。

徐女甬人辛丑夏。當臍作痛。勢上衝。年餘不愈。脈濡沉苔白。與沈香曲川朴薏
仁烏藥木香使君查炭萊菔子大腹皮路路通另左金丸五分。空心服。瀉下尺
餘長蟲一條。腹痛遽定。此一劑卽效者。

袁挺之室。戊戌。因肝氣挾飲。中脘有形。攻撐嘔吐。卧則自覺有聲漉漉。口膩甜。
胃納少。脈弦而濡。苔膩。審前方。在王諸君。亦曾消塊。以水不應。是脾虛停飲之
症。用於朮雲苓澤瀉橘皮砂仁半夏乾薑苡仁佩蘭伏龍肝等。戒其少飲茶水。
因知其寐醒卽飲也。服此頗宜。嗣食油膩。又嘔冷酸。轉用白朮泡薑枳實椒目
雅連吳萸橘紅半夏茯苓竹茹等。另擬沈香黑丑玉樞丹研細末。先服。得吐冷

水甚多。然知其毫不節食。舉凡傷脾助飲之物。甘之如飴。已成驕恣。不論於理。不可毋治。迺衰係外戚。不喻其意。更求方。予六君加五苓及外臺廣濟栝榔散。加減爲單。撥板尖大戟黑丑牙皂明礬等研末。王姓以爲寒痕。未藥勿服。遂往蘇賁子助診。云血不養肝。肝火犯肺。剋脾。腹鳴作脹。宜柔肝肅肺脾藥。沙參瓜蒌鬱金貝母茯苓車前茯苓藜苡仁青陳皮沈香麩石決明半夏十帖不合。就曹君診。開旋覆代赭湯。而予逝返滬寓矣。嗣聞面浮足腫。日就淹篤。以致不起。

宣君之內姨過某之姊。早失怙恃。就養戚家。素有肝氣。發則脘腹痛。脹滿攻撐。食入阻塞。脈弦右濡。乃肝木乘於中州。擬香附麩炒枳殼金鈴砂仁木瓜皮陳皮嗽嚙子香櫞皮白芍。二劑定。惟滿腹小痛。火升顛紅。加丹皮蒺藜牡蠣。火升減。心悸震躍。時轟灼。肝陽擾攘。宜予鎮潛。白芍牡蠣蛤殼阿膠桑葉丹皮麥冬。棗仁珍珠母等服之相應。輟藥數日。又起寒熱。滿腹轟灼。耳後脹疼。脈弦左甚。實非外感。仍是肝木鬱勃。開道透散。去白朮。加鈎勾殭蠶烏梅橄欖膏。出入。

此案層次井然

可法

辨火亦非也

辨可清

此症係胃有積滯

木火乘脾橫格法

助胃消化兼暢肝

壽故可愈也

為方服之熱止耳後脹痛如失。過為孤女就養於宣外閒有指摘其病較

師尼真婦難治節錄一二以概其餘

周舜卿君戊戌菊秋患伏暑溼微熱甚同邑李君以為鬱火用鮮斛鮮地等余診其脈洪大舌苔由黃而焦熾肢寒惡熱口渴痰灰黑因擬白虎加減以折炎之勢是日羣賢畢集方論龐雜惟張笠臣廣文知醫獨懸予方柰其家人莫知所從最後西醫用檣檬水而愈其故可思我國中醫各守家法言人人殊為治症之大訾此非創醫校齊其學說不為功

蔣顯之己亥正月招視尊堂述知素有角弓反張甚至不省俗名老鷹痧實則肝風鳴張為痙厥此症外且凜熱十年自以為骨蒸實則骨蒸難延乃肝火耳平素肝氣旺盛去年秋曾吐血至今臘底復嘔血凝聚如硃實肝血血止後又因氣忿腕腹脹滿至不可按肢楚少寐膽怯脈之虛弦少神舌乾有裂紋矧肝血一吐肝愈少養虛肝之氣入絡是以作痛然昏暈自汗恐其生變擬鹽水燉

牡蠣茯神麥冬。潼沙苑木瓜皮。四製香附。烏梅肉。西洋參。另煎。吉林參鬚。沖服。麻少安。腕腹不可按之痛已退。虛肝之氣可信矣。然胃鈍。左頰紅。虛陽不斂。加三甲阿膠之類。戒以必須調理滋養。或可延。否則肝動復吐。必至不起。嗣予往申期迫。後未與聞。

袁女己亥喉痧之後。寐汗嗑乾。詢知喉痧重時。表藥甚重。此表疏氣陰虧耗。子沙參石斛麥冬女貞生山藥棗仁牡蠣淮小麥蓮子心等。服之喉潤汗少。轉用芪皮生白芍棗仁牡蠣柏子女貞料豆小麥蓮子心烏梅紅棗。三診汗仍不止。多夢神煩。因憶靈胎批葉案有云盜汗以涼心爲主。因宗其意。用辰麥冬炒棗仁辰茯神女貞淮麥地骨皮白芍蓮子青心牡蠣龍齒生地硃砂安神丸三錢。另用五倍子末乳汁調塗臍中膏藥掩。一劑卽無汗矣。

陸頌和滬北其岳年已花甲。寐汗淋漓。多醫不效。脈細軟。逕投桂枝龍骨牡蠣湯三劑而瘳。

以表證而案合參則盜汗以涼心爲主之涼字宜易治字爲妙

吳雲伯怡和德生輪弟榮昌己亥初夏寒熱中脘有形痰多嘔水卧則有聲胸悶舌膩微咳面油溲黃便閉已有人開沙參石斛等予察其形痰溼爲重開三仁湯出入另太乙丹菖蒲鬱金末服後寐略寧熱自晡發頭面背足發出紅癩（此人溼甚本有疥癩）胸前甚少詢其中脘或有形上衝則痰涌嘔水或汨汨作聲熱起之時胸悶氣逆良是痰飲內蓄樞機不宣復用豆卷青蒿連翹鼠粘茯苓荅半夏瓜蒌薑蒲雞蘇散風化硝明礬水磨鬱金彼因不便自服麻仁丸得便下午仍熱懊煩至子夜方退熱時乾嘔痰多苔較前膩邊絳是恣食水菓助溼方開宋半夏陳皮赤豬苓杏仁淡芩碧玉散竹茹菖蒲木通茯苓荅另味陳膽星雄精金礞石牙皂研細竹瀝滴薑汁調服令服於發熱之前如作嘔勿慌服後嘔出痰涎甚多熱大輕減而頭面背腹疥癩未隱大勢漸平令服清氣化痰以滌餘蘊而愈

周養蓀茂才寧波年四十己亥五月就診半月不寐子夜三句略得眠亦不

酬近數日中左腹有氣衝。按之不止。衝至胸方散。頓覺周身牽引不舒。脈之三部皆洪大。此衝氣不絕。肝木甚亢。心腎因而不交。爲開金鈴鹽水炒香附丹。皮山梔硃茯神炒棗仁。甲心五味磁石牡蠣珍珠母生地金器服之。左腹上衝之氣大定。惟雖得早寐。不能甚酣。前方去金鈴香附磁石山梔。加入川連大麥冬夜交藤焦秫米竹瀝半夏。服之卽能酣寐。按西法治不寐。如安神藥水等。人人可服。治法簡單。亦不具應。中法有安神潛肝歸脾降胃清肺攝腎之不同。治病必求其本。洵不易也。

陳省三母許君研農之叔岳。戊戌秋曾經咯血。止後咳則常戀痰腥而濃。己亥三月九日因氣忿復吐血成碗。研農治以清瘀平肝而暫止。復發則愈甚。每至氣升則嗽血並來。喉間轟熱。望晚手足曾微瘳。十六血吐愈多。心躍怕煩。掌中汗出。舌指並有震意。迨暮許君邀往診視。述知過翰起以爲肺血。用鮮生地等。王君子柳知其爲肝血。用元精石龍牡龜甲心等。余亦以爲肝血。衆不信。使以

水驗血之浮沈。則沈著於下。吐在腳鑪之血。凝積濃厚。赤而且多。症勢危甚。脈
弦急不斂。舌紅苔少。勉用淡秋石醋炒當歸炭青蛤散乳汁磨沈香丹皮元精
石女貞子旱蓮草鹽水煨牡蠣等。翌晨許子來云。服藥血未大吐。但痰中尚帶
血絲。復診脈較靜。心躍怕煩。手震皆減。嗽略少。尚有頭暈火升。因謂之曰。血去
甚多。復元甚難。首宜戒忿。復發難瘳。藥宜滋潛爲主。阿膠冬蟲夏草杞子白芍
青鉛牛膝炭麥冬山藥女貞旱蓮牡蠣。另八仙長壽丸湯下。有其戚陶君孝箴
來診。謂轟熱是熱勢起伏。開川連鬱金山梔茅根等味。以血爲肺胃所出者。省
三以某方有效在前。未服其方。噫血已驗。症已輕。而猶持異議。足爲寒心。三診
血已全止。諸證均退。惟起坐頭暈。口燥作麻。下午火升。孝箴之所謂起伏者。
予謂血與嗽。皆肝火衝激而來。故藥用鎮潛而效。今仍宜鎮潛養陰。以防復
吐。前方增損。屬延王君調理。子過往申寓。聞延至翌年而効。

洪慎其木業皖人。己亥五月。先則胃鈍足輭便溲。先黑後黃。滯而不爽。以理溼

調氣之劑。溼熱一開。轉而寒熱胸悶。脈濡數。苔白膩。小溲不通。開鬱金。桔梗。雞蘇散。黃芩。知母。連翹。苡仁。木通。青蒿。蘆根。猪赤苓。廣霍香。玉樞丹等。服藥小溲已通。便仍色黑。惡心。遍布紅疹。開杏仁。苡仁。竹茹。滑石。通草。黃芩。赤猪苓。銀花。炭荷葉。鬱金。野薔薇花。服之。便溇。循止。熱不起。胸悶亦退。脈靜。惟口微膩。苔黃。疹未隱。肛門腫赤。溼熱下溜。大府。用苡米。澤瀉。赤猪苓。碧玉散。槐花。知母。黃柏。炭金鈴子。木耳炭。另開槐角。苦參。龍膽草。風化硝。煎薰肛門。腫痛退。按之有如指大而硬。煎方增損原方。另開槐角。茵草。龍膽。胡黃連。研末。嚙以蚌水調塗。不藥而瘳。

馮姓甬人。四十餘。嗜煙。吞泡而不吸。不知傷精耗血。更烈。己亥端月。延診。素有胃氣。茲則有氣上衝。至胸脘。牽引背脊。痛楚萬狀。日必數發。發則心中懊懣。腹中有形。大便因氣衝而不通利。寐亦不安。曰。衝氣也。開金鈴子。玄胡索。鹽水炒。香附。淡吳萸。沈香片。炒白芍。炙烏梅。蘇嚙子。赭石。金沸草。瓦楞子。另上。猪桂飯。

丸服之氣平而定。

徐姓己亥巧月胃痛引及背脊大便不通脈弦苔白擬丁香蔻仁沈香黑丑噤嚙子半夏括蘘薤白枳實茯苓烏藥川朴一劑便暢諸痛皆止。

榮右鄉人己亥臘月產時胞衣不下逆迫氣滯血凝迨胞衣下腹痛惡露不多且陰腫墜如疝痛楚異常用歸尾赤芍靈脂蒲黃山查香附川芎丹參桃仁益母草惡露雖有依然不多陰腫加熱似欲作膿前方加乳香蓬朮炙甲片路路通服後行出惡露如墨成塊而下外腫不藥而消當其重時寢饋不安鄉嫗疑是祟欲卜之巫覡喻以症雖少聞實瘀阻所致通瘀果應。

壽姓王寅八月上澣身熱初七日腹痛下痢初九痢轉紅膩初十自服煙灰湯十一亦如之馴至溺秘少腹作脹而痛脈濡數舌紅苔黃用滑石紅麴荷葉連皮槿查炭通草猪苓澤瀉車前木香檳榔丸另用土狗卽螻蛄炙研末服仍無溺後用蒜肉梔子黃食鹽三味搗爛貼臍至十二句子夜溺方通十二脈數身

此症初診即宜宣
理肺氣兼通降
脫小腸大腸乃以此
之務而用土狗等
強利小便不可謂
非智者之失也

熱痢轉白。腹痛減。病機有轉輕之徵。用黃芩通草滑石炒紅麩烏藥枳實枳榔
建耬查炭赤白芩廣皮木香豆卷香連丸。十三熱未重。舌苔轉黃。而痢雖漸減。
溲仍少。日僅一次。原方加青蒿竹茹。十四熱仍未清。脈數苔黃質紅。痢輕日稀。
帶漉。唇絳口渴。用青蒿木通半夏雞蘇散黃芩澤瀉銀花炭查炭建耬白頭翁
香連丸。十五有時胸悶腹痛。則利白水。有時腸鳴。爲清氣不升。溼積未楚。開青
蒿銀花炭煨葛根木香桔梗大腹查炭二苓澤瀉生苡仁車前子建耬等。三日
未利。胃未旺。續用健胃理溼而痢。

林氏兒辛丑臘月十一身熱頻咳。十二仍熱。十四背見痧點。眉間亦紅。十五面
佈點。投象貝牛蒡桔梗薄荷南查枇杷葉桑葉。當時有人欲用西河柳。因已發
出止之。十六目紅不喜視物便漉。加建耬。當晚熱忽退。然足上未透。十七用象
貝冬瓜子光杏仁山梔新會白牛蒡枇杷葉。當晚果然身熱。骹上方在發透。十
八因痧已透。只理嗽。如杏仁桑葉瓜瓣象貝枇杷葉。翌日背面先回。頭面漸隱。

囑痧後忌食雞蝦五辛炙博醋椒糖霜重鹽芋蛋梅櫻諸物以防餘熱留戀發
生別症。

榮右鄉人嗜冷物生水有停飲症壬寅八月既望在滬南半夜吐瀉嚼生芋不
辣生礮不澀卧龍丹嗅之嚏不多有冷涕兼施刮背微針虎口臂灣膝灣委中
胸腹吐瀉漸定診其脈兩手指已癱下脈細沈不起舌紅苔白是霍亂重症用
廣藿香橘皮吳萸川連半夏木瓜皮佛手苡仁蠶砂絲瓜絡伏龍肝生荷葉服
後痛定瀉稀左足轉筋以燒酒浸艾葉及青布蘸醋搽之筋轉定轉寒熱邪欲
外達開桑葉苡仁陳皮半夏藿香蔻仁豆卷絲瓜絡蠶沙黃芩滑石萊菔纒吐
瀉全止微微惡心鼻熱腿灼去蔻仁橘半加竹茹連翹蘆根腹中尚有攻築便
溼色醬是伏熱未清每餐以鮮蘿蔔素煮食之十八覺心膈欲食以焦鍋巴煮
融少佐蘿蔔食之忌口月餘惟令以豆腐衣薺菜筍衣山東掛麩冬瓜萱花百
葉冬菜爲餚勿藥而安。

陳警滬北消防隊辛亥患腳氣失治加嘔氣逆上衝來診脈弦緊苔白面黑黧胸悶呻吟當以衝心險症曉喻利害擬半夏蘇葉吳萸橘皮葉川朴枳椇木瓜枳殼生薑黑丑沈香金鈴炭玄胡等連投便瀉冷水盈盆氣平嘔止卽囑告假回籍轉換水土按滬濱地溼感則害人皮肉筋脈溼鬱氣痺每成斯恙外省僑寓不甚隄防余承乏警署醫治三年習知湘皖之人六淫所感溫病不難治卽霍亂亦寒多而伏熱少惟浦東江灣分署地形低窪長警草屨貫水服務急卸不諳解散冷溼由肌竅吸入多成此症又有商業青年患此更爲惘然滬南廣生錢莊賬房某姓因足腫轉喘嗽而死卽此恙也

袁姓紹興住南德安病經一年五心潮熱寅卯盜汗足跗轟熱他醫直用清骨散玉屏風當歸六黃湯熱微解盜汗胃鈍更醫用砂仁生薑溫中加病口渴唇碎丙午秋月戚季渠之母屬延診脈弦勁舌紅苔黃疏清肝養胃兼化伏熱稻根石斛地骨黑梔知母連翹鬱金葉豆衣花粉萊菔縷蓮子青心茅根外以玉

鑰匙搽口碎。荷花青蒿露代茶。服後渴解便潤。覆診用淮小麥功勞花粉稽豆
衣青蒿白微菜豆衣扁豆衣生穀芽蓮子青心鮮藕等。服之熱漸淡。胃漸馨。三
診蘊熱大退。脈弦未柔。且寐汗未止。用牡蠣決明麥冬龍齒霞天麴克絲餅山
藥玉竹扁豆穀芽蓮子青心。外用五倍子末人乳塗臍膏貼。熱全止。汗全退。胃
納照常。無餘病矣。然脈弦未柔。病已經年。當予調理膏方。如西洋參天麥冬玉
竹石斛茯神川貝兔絲首烏生地歸身白芍綠萼梅合歡皮香附玫瑰花淮小
麥稽豆棗仁龍齒牡蠣鱉甲磁石決明牛膝元參旱蓮南燭子阿膠龜版膠收
膏服之。

季弟廷鑑癸卯十九歲。歷來熱天。則腹脹足痠。脹墜類乎腳氣。七月初九寒熱
面浮。油赤無汗。胸悶澁赤不行。面色萎痺。身痛神糊。王醫診爲暑溼。用三仁湯
加歧樞之類。僅二日。卽退澁赤。手足萎軟無力。王醫復謂暑從陽明出入。最易
被其蹂躪。擬南沙參白朮新會皮秦朮川貝竹茹茯苓苧仁鬱金桑枝佩蘭服。

數劑手足仍痿時鄧君幹慶在滬診爲熱退肢軟症僅八日脈數苔膩溲短赤
陰虛溼甚用猪苓湯加減取其淡滲而不傷陰數劑未應十八履輿回家余初
診脈左數右濡苔膩白溲赤澄腳便不解者旬日臂麻足脹坐起則眩溼熱流
竄經絡陽明積滯未清用竹茹茯苓通草青木香葶藶知母海藻海桐皮橘葉
絲瓜絡忍冬藤生薏仁桑枝小溫中丸三劑服後兩足覺癢手指能伸溲仍黃
溷便解未爽復用竹茹茯苓澤瀉獨活葶藶海桐皮知母橘葉苡仁烏藥竹瀝
達痰丸日間服至夜十一句腹痛大便先乾後溇色黑中有虬蟲一條廿四原
方去達痰丸廿五略可久坐手仍麻足脹捏之則痛小溲半月內油赤澄腳今
色淡仍溷熱稍減溼留戀不易底澈疏生於朮茯苓皮橘白絡苡仁葶藶木瓜
車前防己茵陳獨活白茄根桑枝廿八手不能捏右手更甚足伸痠痛右足更
甚述寒熱前拊身不仁寒熱時腰下重著現狀垂地則足腫溲猶帶溷決爲溼
熱粘膩之邪蘊蓄四末前方去獨活地骨加秦艸川斷嗣因有人云其陽明絡

虛風陽阻絡來用天冬玉竹杞子女貞生地之類清潤育陰辨之不已逕煎服之足癢不作惡心嗜卧形寒身熱溲少腹痛仍用宣絡理溼兼解痰濁豆卷青蒿竹茹鬱金佩蘭橘皮秦艽萊菔子殭蠶苡仁桑枝萆薢通草野薔薇花等服後嘔酸涎鍾許漸覺清爽然熱仍戀腸鳴溲赤仍原方出入脘悶又吐酸涎挑之極韌直至八月二十日熱退口膩飢則耳鳴牙宣腸鳴溲溷足痿仍然按脈左關弦尺弱右寸關數尺弱澀是肝胃有熱脾虛有溼腎氣不堅疏方於朮玉竹石斛白茯苓橘白絡苡仁萆薢丹皮白芍川斷狗脊另用鮮牛肉十二兩酒洗瓶封乾蒸取汁日服藥進七帖胃納照常脈右關滑尺稍有力左寸關弦尺猶澀弱體倦手震水瀉肝旺氣虛血弱之徵是時溼濁將清卽定於朮玉竹天冬當歸白芍杜仲牛膝茯苓杞子石斛橘絡狗脊苡仁甘菊五劑加黃芪黨參又五服胃納甚旺稍能起立右足尙軟膝部痠痛交寅少寐還是氣營不足水虧絡絕原方加味爲首烏歸身白芍牛膝杞子天麻遠志棗仁麥冬黨參黃芪

於朮金剛丸五劑易虎潛丸又五服十月望日稍能扶掖以行初立猶痛立久
微腫稍能耐眠寐醒仍早前方去麥冬牛膝加五加皮千年健苡仁十五帖漸
可步行惟尚少力多立脹浮膚布痲痺易擬黨參生芪防風於朮秦艽狗脊萆
薢苡仁首烏當歸白芍雞血藤杜仲牛膝十帖行走自如尚無久力卽定膏方
治本顧標通盤並籌如黃芪人參白朮玉竹茯苓橘紅首烏全當歸白芍丹皮
兔絲雞血藤天麻蒺藜遠志棗仁牡蠣山萸五加皮萆薢秦艽杜仲川斷牛膝
苡仁用阿膠虎骨膠收膏煎成外出就業七年足力勝常庚戌九月因染疫蘊
毒頸項癰瘡嚴命外瘍未習可勿預聞爲古稀老醫金協堂開刀時令服人參
一月當時膿尚多服參後膿結不出又不用藥纔遂致胸膈漫腫毒內攻東西
醫並診不應而逝至爲悼惜

陳左工業甬人丁未秋患脇痛按之有聲大似飲邪脈弦左澀氣痺絡瘀之徵
當用旋覆茯苓橘絡新絳玄胡當歸鬚赤芍麩炒枳殼生香附路路通青葱管

遂便瘀血甚多脇痛大減覆診細詢之亦並未外傷病成於不自覺云原方增損而痊

王子珊滬南丙午夏杪凜寒熱不甚無汗脈濡苔白就他醫服梔豉香薷滑蘇等劑纖毫無汗而形寒可披絨衫余用浮萍薄荷蒼朮蘇葉蔥薑大劑使其避風煎沸浴之覆薄衾而臥遍身汗出凜寒遂解此人實體故可用此虛者薰足覆衣取汗

胡養泉木業辛丑某月氣鬱生熱益以感邪身熱有汗胸悶溺赤便秘數日一行以嗜煙多妾體實陰虛脈弦苔剝用青蒿豆卷鬱金杏仁滑石通草淡苈竹葉更衣丸得便帶血熱熾寐則手足動搖唇口亦震遇事易怒脈左弦數肝火化風游行不息用羚羊丹皮山梔青蒿決明牡蠣鈎勾殭蠶黛蛤散甘菊鬱金蘆根服後灼熱大退肢唇之振動亦定惟寐不甚酣氣悶痰粘脈右寸滑數決爲痰熱留戀開清金平木意黛蛤沙參川貝杏仁麥冬枇杷葉雪羹煎服愈然

一病則動肝根蒂不堅可知越年許喉癰瘵熱形神尪羸清和月辭不往延至
中秋告亡蓋知瘵疾可延難治富家可以遍請名醫迨後角里賴陳諸家均治
廢去重聘而終至綿憊

倪右辛丑秋月凜寒身熱口苦痰黑綿延數日衆謂虛勞脈濡數舌苔膩用宣
溼滌痰三仁湯加減雪羹湯代水另用白金丸少許蘿蔔汁溫送向之苔指卽
化而身熱循止越旬日頭眩帶多來診以清熱固本法愈

周肇甫頭壩昇昌其室肝氣素盛己亥秋月身熱嘔吐頭疼肝氣攻注雖髮際
亦所必至腹滿便秘脈弦舌紅苔黃乃伏暑挾肝氣化風上竄兼有宿滯桑葉
丹皮甘菊連翹苡仁碧玉散通草鬱金青蒿荷梗絲瓜絡左金丸一劑汗解熱
減原方加減去左金加當歸龍薈丸遂得暢便氣攻陡定

陳佐工業己亥秋外吸暑熱歸食西瓜乾飯腹痛便利脹滯後重身有灼熱按
腹有形詢知因痛曾飲砂糖燒酒進青蒿滑石通草猪苓廣藶六糶荷葉板榔

查炭豆卷枳實等熱滅痢爽惟腹痛拒按審其食積爲重逕加生軍三錢腹中
攻響痛止積行一夜不利翌晨遽解乾矢甚多三診腹中似尙有塊再進磨滯
清理而退此實體可攻且一攻卽定

榮秉之三令媛幼因聞受聘夫之噩信每每寡歡辛丑春月忽頭眩欲仆手足
冷耳鳴心悸轟熱以爲肝鬱所釀用天麻蒺藜蛤殼牡蠣磁石甘菊茯神桑葉
丹皮龍齒合歡皮白芍川貝等諸症均減因鬱悶不解氣機不暢用老蘇梗鬱
金木蝴蝶綠萼梅蒺藜橘葉絡扶神遠志丹皮鬱悶漸解惟轟熱屢用初方未
應繼審肝脈甚駛加羚羊大減此憂鬱而成肝病仍以清木火而驗

胡養泉妾倡也嗜煙肝旺素有痰紅壬寅產後患風水腫脹余按脈浮濡審因
早浴而起以互皮飲加麻黃杏仁等驟退不事調理善後反而不知節食與女
伴一品香西餐芥辣雞香冰酒恣食無忌越數日腫復發來診有微詞審知其
情切責之其亦媿服調治漸退夏令患凜熱煩悶口渴嘔吐泄利醫初用崇土

於朮等品氣悶殊甚泄利不退脈之滑數在右弦象居左是伏熱未宣肝木有乘土之象先用滑石藿香鬱金通草豆卷青蒿黑梔桔梗苡仁黃芩等以解伏邪太乙丹以泄水服之熱泄並減而痰多惡心食之則脹水菓亦仍不節輟藥半月後來延診右滑減左脈弦肝強脾弱疏於朮土炒麝皮土炒白芍烏梅炭木瓜皮白茯苓神曲以仁煨木香等脹退納馨而痊素有掌熱亦淡此斂肝之效

鮑春榮滬南丙午因其妻夕事實氣填胸腹脹如鼓來診脈弦急面青舌白探其腹有筋綻詢悉不過五日諄勸曠懷爲主方可取效開半夏厚朴茯苓蘇梗金鈴玄胡橘葉絡香附青陳皮大腹皮木蝴蝶丹皮路路通慈鬚小溫中丸五劑大消續予調理亦不復發

倪幼滬北戊戌患春溫五日熱熾汗多懊悶少寐熱以暮盛咳嗽口渴倪君銘三初用銀翹散出入未應延余診脈洪大便秘溺赤溫邪甚重因疏鮮薄荷玉

泉散黑梔知母連翹鬱金銀花鼠粘光杏仁冬瓜子蘆茅根等服之熱退身和
倪君以爲膽大然白虎應用三證俱備不嫌其早熱後癍塊略動以和中宣氣
卽愈

張永記粵籍漆作己亥夏月下痢不止粵醫用溫澀罔效其同鄉林君屬延診
脈濡遲苔滑白詳審積因迺食廣蕪及冷粥之故卽疏用朴蒼朮茯苓陳皮查
炭木香薑渣烏藥紅麴導滯丸等積下痢減繼而肛脫不收外用槐花升麻黃
柏防風蓮蓬殼生礬煎水洗之亦卽如常

吳蔭森電車檢查戊申夏仲其妻小產後血下如崩延診頭汗面灰白脈微舌
淡白症情頗險恐有下脫之慮予方吉林參歸身炭白芍黃芪側柏炭龍骨牡
蠣牛角觶淮麥等一劑汗止血下淋漓續用震靈丹等調攝而愈

王體山頭壩盈記己酉首夏寒溼內襲而黃足腫冷麻滯墜無力脈濡苔白疏
雞鳴散二妙丸等并令以杉木屑蠶砂艾葉葱鬚煎水洗足足覺流汗脹亦旋

鬆是溼寒行而絡隧漸通惟舉步輭痺不耐久行擬宜溼寒奠脾土生絡力通痺阻爲法野朮茯苓苓陳皮苡米木香當歸牛膝杜仲川斷松節狗脊五加皮防己巴戟千年健萆薢鹿啣草稀莖桑枝絡石藤研末用雞血藤膠溶化半夏煎意糊爲丸一料愈

黃韻笙鼎泰北貨業甲辰患風痧時病之後兩足痿軟無力以商業事繁煎方不便來求長方脈大少和苔薄白經云風善行而數變良由五行之中風性最速內應肝木肝木主筋風痧內竄流走筋絡以致足脛痿軟乏力然苟非精血不足風陽何能入裏詢知春夏陽升之候每患遺泄此內耗之一神倦呵欠氣分亦形不足願養之謀育陰榮筋爲主補氣佐之生地首烏歸身白芍桑椹蒺藜兔絲千年健杜仲川斷狗脊玉竹覆盆鱧魚膠黨參黃芪白朮茯苓橘絡苡仁雞血藤膠虎骨膠阿膠煎貯服之頗驗

馬錢昌範九上海警署營業課素虛陽衰終年以參桂爲補益己酉五月雷雨

時馬車出外辦公略感寒溼卽凜寒裏熱延診脈細濡並無數象舌紅苔少予謂此非暑邪乃寒溼也體虛不禁開泄卽疏參蘇飲去乾葛枳殼加桂枝生慧仁等藥症相符有疑時令夏熱開豆卷滑石等君亦知醫一笑置之尋以用桂應手人體之偏寒有如此者時君年近五旬蓋江蘇長洲籍也益以閱歷則甬友黃益三外科年方而立三伏能穿二衫乃法蘭絨心焉疑之渠云某體陽虛年服全鹿丸二三觔桂附八味稱是陽道猶不興也稍衣薄體卽畏寒患感身熱李君圖治兼旬不愈因舌紅少苔脈帶數不敢用溫終不獲痊自用溫經卽效故陽虛者早服溫熱並不覺熱若果陰虛陽亢晚年亦忌溫補也

袁敬之表弟戊申胃分作痛按之有水聲而輸運不健納食不旺脈濡遲苔薄白決爲中陽轉旋略遲水飲卽停卽疏益智雲苓澤瀉噉子丁香薤仁烏藥范志樞陳皮苡仁椒目等服有驗效方增損而痊交冬求商膏方扶脾通陽益氣和血爲潞黨參於朮雲苓黃精扁豆秫米橘皮葭天樞益智香附九香蟲噉

嚼子香櫞皮玫瑰花當歸白芍苑絲杞子料豆金橘餅等煎飴糖收膏服之胃
病不甚發矣

姚繼枝警署總務科（後爲局長）己酉開辦衛生因採用拙擬醫治條例就
所診脈濡苔白述知體肥痰多委疏食醫之法因陳意見略謂肥偉多溼溼盛
生痰而皆由脾胃之健運退食自公大酺時凡肥膩炙煇酒類糖食舉凡滋助
溼熱之介節之爲宜綠茶清熱溼體亦生溼飲餐後宜普洱松蘿等品以消油
膩雪茄煙西人自認消耗氣液疏遠少用飲水則開北浜中水甚渾濁爲釀病
之端必須遠汲源清而流自潔云嗣聞壽中飲水以水車每日臨河汲取明年
夏因署後馬隊數十蠅蚋甚多庖廚逼近菜餚因以不潔爲公衆衛生詳陳利
害亦曾酌用謹小慎微三年如一日也

袁右晨泄每於暮分撐脹晨必病作辛丑就診脈細弦苔淡白肝強脾弱木土
相凌宗王海靈法丸以緩治方爲於朮靈苓吳萸廣皮土炒白芍生熟苡仁木

瓜蒌藜金鈴兔絲木香扁豆雞內金沈香糊丸清晨晚餐前各服二三錢
鮑榮春之妾戕伐早常有淋帶丙午夏懷妊七月感暑熱身熱嘔吐胸悶溲淋
痛便不通時正伏中暑邪內淫初疏鬱金香豉黑梔竹葉淡芩紫苑車前地膚
冬葵子杏仁蘆根川連鮮藕荷梗另更衣丸服藥熱減便解溲爽然熱未退淨
腕悶腹痛帶下無片刻之停復用連翹知母白薇青蒿鬱金磨蘇梗淡子芩川
貝香附荷葉蒂楚鬚鮮藕服後熱止帶定嘔減而少寐汗多肢厥不暖者二日
是熱傷營液表甚疏泄予臺參棗仁茯神糯稻根料豆衣焦秫米地骨皮桑
寄生蓮子青心淮小麥燈芯等汗止寐酣而安

顧賓臣警署書記課長己酉六月延診其令政脈弦舌白肝氣橫逆腹脹作痛
納食不旺進疏肝和中白芍甘草烏藥范志糶茯苓香蘇皮藕豆衣金鈴炭台
歡皮木蝴蝶雞內金南棗等味頗應 逾年秋顧君患伏暑寒熱起伏審其脈
滑數舌紅苔薄卽疏豆卷滑石通草生苡仁厚朴花杏仁黃芩竹茹鬱金朱半

夏野薔薇花另用大剉青蒿露白荷花露代水煎藥取其芳香清暑氣之鬱二劑而應所以速效者因皖籍中氣較旺脾溼較少宣透膜原卽告肅清

警署書記員張君己酉夏仲招視令慈新白籍來滬霍亂吐瀉有膚冷自汗脈微苔白懶言乃高年脾氣失宣外吸溼濁兼有水土失宜爰疏廣藿香新會皮烏藥川朴蔻仁白檀香神麩查炭苡仁雞內金車前子菟豆衣伏龍肝左金丸等并令節食服之吐瀉一止餘症均安翌歲夏又患是症則因食積傷中消導和脾亦愈迨光復之後張仍在局頗蒙關注以此

周恆吉衣業其婦不生育因納妾常年氣惱肝木乘脾火激衝任經至如崩已經有年述知服參茸止兩月復如崩請醫調治服涼血藥經愈多因脾傷增泄瀉丙午八月延診脈弦異常面淡白無神便溇日數行用斂肝扶脾白芍甘草扁豆茯苓霞天糶兔絲子木瓜皮山藥苡仁等瀉不止加於朮伏龍肝稍止覆診時自述經將至求預防藥於朮白芍木瓜茯苓川斷杜仲寄生扁豆花烏梅

衷仁香附并用牛角鯁禹餘糧血餘炭黃絲棉炙研阿膠溶化丸參湯服三錢
易朝宗警署測繪已酉七月患噤口痢下赤白腹痛嘔惡拒食脈數苔白指單
黃係伏熱積滯蘊於腸胃卽疏木香枳實茯苓沙參查炭銀花白頭翁黃連黃
柏紅麴滑石荷葉扁豆花鮮蓮子并令服燕鷲瀉補丸五粒遂下黑滯之積其
紅白痢亦止不數劑熱清胃起續予和中旬日而安

張姓女庚戌夏來所診治不時寒熱脇痛有形症已經年驟視其面龐消瘦脈
細滯舌紅似屬勞損繼詢知去年由瘧而來伏邪留戀深入絡隧卽疏補中益
氣加減用鱉甲煎丸九粒外用消痞阿魏膏烘貼照服一星期熱減塊輒再診
前方增損入蜀漆川鬱金等味熱止塊散霍然而瘳

丁某滬南其室陰虛體弱產後風臥咳嗽有人云人參再造丸大補自購服之
喘咳大發因喘吸大煙則鼻熱如灼乙巳冬邀予診視前方乃潘姓開初用三
子養親繼用熟地等亦不甚效脈則弦數證見耳癢暮咳甚內熱痰靛便血溲

赤陰虛內有蘊熱溫散本忌大滋則礙脾運初方南沙參冬瓜子杏仁黛蛤散旋覆赭石白芍杞子茯苓木耳炭金鈴炭黑梔蘆根服之耳癢卽退咳亦頓輕令用白木耳使血內熱亦止畏藥卽輟丙午春診脈仍弦潮熱減輕咳四日而一發當腕有形亦氣聚不宣咳既有時並非外感予擬七味都氣丸鎮攝之前方以宣氣降胃爲法嗣遷居北市未曾調補云

施永隆滬南丙午正月十三日因大氣忿卽病腹痛氣逆至數夜未眠痛引少腹旁攻脇背向有嗽痰幸未併發脈左沈右數滑苔白膩是肝氣挾痰之症先使磨鬱金烏藥蘇梗伽南香服之得吐痰食漸鬆續進半夏陳皮茯苓沈香薏仁瞿嚕子瓦楞子金鈴子黑梔服後連得天氣氣逆卽平然向有癰塊已消復撐腹硬痰灰左脈已起而弦氣火猶未盡熄卽定青皮橘葉絡旋覆鬱金丹皮黑梔木香白芍金鈴玄胡沙參木蝴蝶雪羹湯代水煎藥脹消痰化而愈

王楚江滬南其妻稟質陰虧丙午立春之汎咳嗽忽作先與清揚肅肺轉覺氣

逆脈弦楚江言及氣從臍上衝而痰則帶鹹於疏化痰濁藥中加石英青鉛沈香蛤殼氣逆一平咳卽大減越數旬凜熱不飢便阻惡風頭痛自後喘咳又作脈左弦右滑衝氣旣僭兼有新感桑葉旋覆瓜瓣杏仁半夏陳皮茯苓蘆皮竹茹枇杷葉蘆根雪羹有薦戴濟川者戴謂不識此症如何應診此恙僅須一二劑卽愈疏方小青龍湯也且謂初診姑減其制若第二劑麻黃三分要加倍云楚江以藥分寒熱不自主裁會有羅店沈君在滬邀其一視卽是予議云非伏寒薑桂麻黃不可用也僅加甜葶藶半夏製而已服後氣平咳減諸恙亦退沈君回羅囑仍邀予調治病者最不喜藥一退卽不善後嗣回窻波聞其交節則喘汗形肉大削甬醫用溫散更不相宜云此症宜於平常服七味都氣丸之類以養肝腎而潛衝氣與治外感咳不同

榮姓年逾花甲向有感氣乘胃引脇透背戊亥至陰之時其痛最劇甚則欲厥庚子冬延診脈左虛弦右微滑舌紅苔指膩白述知納食生煙泡幾及三年日

向有血症者燕昌王氏謂洋煙味苦臭香苦則助火香則散氣生煙大毒極伐
精血則是血症既虧於前生煙復耗於後人身氣血幾何詎堪經此漏卮故屢
疏肝而痛仍劇足見五液衰奪虛氣無歸也肝血既虧筋矢所養絡乾掣痛亦
固其宜夫肝用甚銳而肝體甚柔養肝制肝之急自無疑義無如中宮痰濁甚
盛攻古有墮藥一法茲宗其意用熟地炭首烏歸身杞子川斷牛膝柏子棗仁
阿膠研末蜜水泛丸如痧藥大候乾再用參朮半夏橘紅沈香茯苓香櫞覆天
麩末蘇梗湯將前之小丸灑溼逐層泛丸如桐子大爲度每服三四錢然生煙
洩不除亦屬無益

林姓三十餘舊有脘痛飲火酒取效庚子四月喫麩後飲冷水卽脘腹滿痛按
之愈甚繼而嘔吐涎酸甚至於呃漸有微熱鄧彥脩因其忽熱忽止謂是勞損
已至七八用洋參麥冬五味子加入沈香枳殼雖有矢氣腹痛殊甚不納不飢
溺黃便澹脈左數右濡滑舌白中乾是素有飲邪今感邪挾積開不換金正氣

散去甘草加菖蒲鬱金老蘇梗烏藥茯苓苡仁萊菔子澤瀉玉樞丹等味得瀉而安

蔡右二十餘向有喉痺已經十年陰虛火炎勞則熱痛或更足痛經事甚少形體孱弱胃納平常脈弱左弦苔白舌紅因照喻化丸意立一丸方以治之北沙參大麥冬嫩玉竹杞子女貞川貝花粉青黛元參柿霜蒲黃青鹽研末用生地煮汁搗丸如桂圓核大每日臥時含化頗驗數年不發

蔡君己酉夏月伏暑甚盛秋初晝寢未覆衣身熱肢痛頭疼掌灼目爍心悸震躍熱時煩悶微咳痰多是伏邪感寒而發素有肝陽挾痰擾攘擬梔鼓青蒿桑葉杏仁連翹甘菊以仁鬱金竹茹枇杷葉宋半夏象貝雞蘇散服後汗出不暢頭痛咳嗽掌熱目未見物皆紅黃少寐更甚脈滑左弦大苔黃伏熱未解風陽尙僭疏梔鼓滑石青蒿通草鬱金丹皮甘菊連翹竹茹銀花蘆茅根熱戀汗少噁噫音啞頭痛少寐口乾心煩脈弦洪大苔黃尖紅伏暑挾溼不節飲食滯氣

交阻全無出路乃體虛病實所慮邪陷風動金石斛連翹茯苓神川貝鈎勾黑
梔枳實生石決澤瀉法半夏益元散桑葉石菖蒲服後汗多便溏頭痛未止少
寐多夢（伏暑最逗留老年忌燥宜養津清透法）復疏石斛連翹鬱金通草
銀花鈎勾赤苓神川連蘆根荷梗枇杷葉熱勢漸退 此因老年伏暑挾肝陽
溼滯之症頭痛易驚掌熱不寐熱勢太熾以清化得效

彭啟發三路四區警署已酉七月邀診到則署長令警士站班相迎賸以茶點
彭巡長霍亂之後便溏納少形神不旺先前曾服附子理中湯頗效是上江體
氣較強無伏熱故今仍脈濡少力苔白子疏野於朮雲苓扁豆神糲砂仁雞內
金車前子益智木香穀麥芽苡仁荷梗等調中運食將養半月而安

張翰臣室胎漏二孕未育今又半身每月來雖少不澤氣虛血滑大為非宜蓋
子在母腹毓之者氣與血耳氣血既不固攝胎氣不足子雖得毓先大薄弱故
鮮茁壯然體肥多溼膏滋非宜爰定丸方授之人參蘇芪於朮茯神歸身白芍

生地川斷五味兔絲杜仲寄生阿膠升麻野苧蕨根煎湯糊丸空心服

胡氏婦經事兩旬卽來色絳而紫四肢痠軟脈細數舌微紅不時帶下夫女子之經應於太陰血熱則行速血寒則行遲其行速也其血紫也皆因其熱也惟體肥溼盛胃鈍肢痠姑照虛者補之實者瀉之之意立方歸身炭大生地白芍丹皮龜版麥冬地骨條芩香附知母茯苓白朮半夏等味研細蜜丸戒食椒薑煎炒熱物

張沛基之岳滬南治業己亥春季溫邪留戀已經三候寒退熱戀有汗不解脈數口渴苔乾唇朱審其溼微熱甚逕投白虎加連翹山梔蘆根茅根竹葉等一涼而熱勢之退甚駛

華左庚子冬診腎陰早虧陽亢不制未冠而喉痧劫陰漸以不仁愈後足弱腿瘡交冬腿冷左足猶甚氣升胸灼目昏咽疼炎暑則怕熱便堅多汗厭煩其金令一肅髮落爪脆異於他人齒則豁而時痰痰則濁而如糜脈弦數不斂苔薄

白潤按先賢吳氏謂腎主五液而惡燥肝木全賴腎水滋養腎水虧肝卽亢所謂乙癸同源治須專翕純靜攝陽動之太過喻西昌謂陰足不畏暑猶水田不
怕旱陰虧則暑自易侵自毋待論丸方以毓陰爲主兼參氣主煦之熟地歸身
白芍首烏杜仲川斷杞子五味覆盆金櫻沙苑狗脊龜版鱉甲牡蠣龍骨旱蓮
參苓朮草山藥二泉膠霞天膠溶化丸服之陰平陽秘各症均減

陳章泉滬北庚戌患夢多驚擾遲有濁脈弦苔剝是多欲陰虛肝陽不潛胃
陰亦虧之證當疏石斛麥冬茯神棗仁百合心預知子珍珠母紫貝齒夜合花
牡蠣龍齒蓮鬚芡實等頗安此症陰虧致病不受呆補故以此法出入獲效

袁姥五十餘滬南庚子診因上年血崩之後嗣每眩暈頭痛寅卯少寐使艱帶
紅牙痠微痛暮分腿脛轟灼黎明掌心微汗方斂腰痠體軟兼有燥咳痰味覺
鹹清肺攝納方效是血虛陽僭肺陰不足心腎不交首烏山萸熟地當歸白芍
杞子龍齒百合棗仁茯神甘菊牡蠣天麻兔絲菴蓉女貞香附烏賊澗黨沙參

麥冬杜仲川斷阿膠龜版膠煎收膏服一料足脛夜熱腰痠便紅均愈惟眩暈
頭痛越數月舉發仍以滋養取效

榮石滬南腹痛拒按暮熱左脈弦搏右濡苔薄血虛肝旺土衰木乘先清鬱陷
之肝火桑葉丹皮銀柴胡青蛤旋覆青蒿橘葉黑梔蒺藜金鈴香附淮麥五帖
夜熱退腹痛有形用老蘇梗烏藥白芍香附橘葉核金鈴玄胡蘇嚙子黑梔雞
內金木香痛定腹舒而數月之後又發以養肝埋氣之品爲丸授之

張姓滬北丁未春仲感邪咳某君初投肅肺化痰已減脘悶未化早投參芪固
塞之品遂至脘分懊懜氣升卽咳類乎怯症余診脈右滑數知病在胃府以胃
爲中州爲水穀之海氣滯而溼痰壅阻胃氣上逆非虛嗽也卽疏旋覆代赭半
夏苡仁萊菔子蘇子鬱金茯苓川朴花竹茹冬瓜子杏仁枇杷葉等氣平咳減
痰吐未爽加半貝丸服之痰稍滑利氣機由塞而通矣嗣欲定丸方亦宗治胃
以通爲補之旨

華左陰虛肝旺耳鳴多夢習爲常事春仲晨起躓仆肢軟足痿無力片刻眩定脈虛弦苔滑生地元參丹皮鱉甲龜版白芍五味地骨川斷決明龍骨牡蠣磁石天麻等毓陰鎮陽眩暈定氣自臍下衝上肝旺衝氣不納勢仍鴟張更用熟地元參牛膝歸身白芍五味紫石英英肉龜甲沈香胡桃肉左牡蠣淡菜諸品衝氣不作足軟無力仍用滋養肝腎之藥煎膏服之而愈

榮瑞成虹口盈記錢業己酉夏因天熱慕西人空氣卧法將涼蓆鋪於曬臺快甚交秋患伏暑起伏熱盛口渴胸悶嘔惡煩懊少寐初診脈洪數苔白單黃審知熱象雖著形寒亦盛是暑爲寒束先擬梔鼓鬱金杏仁滑石通草菖蒲蘇葉竹茹青蒿荷葉玉樞丹得汗嘔止寒解畏熱去蘇葉玉樞加連翹淡芩竹葉蘆根伏熱退清而愈此乃童體結實故幸未大劇否則必險


陳仰卿法界新吉廬好色多妾乙巳患眼病之後畏光不能視物而外無浮翳恐成內障脈虛弦舌滑余謂肝腎內虛非點藥可瘳生地天冬丹皮杞子蒺藜

菊花決明元參穀精外令服固本還睛丸取效

華左己亥六月開窗臥欲事後畏風振寒烈日不暄繼而身熱兩足如火灼脈濡苔白詢知房後並未得卧陽損陰耗感邪內襲卽張氏醫通傷寒緒論之夾陰症也初用香蘇飲得汗熱勢和胸悶胃鈍脫衣則寒著則煩熱苔措而臑脈轉濡數表邪未清溼蘊熱戀復用豆卷苡仁杏仁薏仁川朴竹茹蘇葉半夏鬱金茯苓等熱減不清苔措中臑前方加入製蒼朮少許溼化苔化胃納漸進逗留至二旬餘方愈此少年體虛夾陰幸而伏熱輕蘊溼重雖有足冷後亦轉暖虛陽潛囊未縮無劇烈之變幸矣

吉右庚戌有姪便溏氣滯腹痛腰痠帶多小洩夜多不禁歷來每至八月有餘卽產故孩不强壯邀診商安胎法脈左弦右滑苔滑薄白詢知便溏由瀉症而來腹痛由氣肝餘症由腎虛古云欲齡兒壽當治其母西法補血輪則生男是補血固氣堅腎爲至要熟地白芍莢肉杜仲合歡皮川斷杞子山藥當歸頭黃

芪黨參香附升麻荷蒂爲丸服之未間九月餘得產男孩頗快而健



Vertical text on the left side of the page, possibly bleed-through from the reverse side. The characters are faint and difficult to read, but appear to be arranged in a single column.